

Yg
7056

R


○○○○○○○

○○○○○○○

yg 7056 R

126, 286

1000




Hiernach sein begriffen die gro-
sen wunderzaichen so geschehen sein
vñ noch teglich geschehen durch
die Rayn Maria die mueter
gottes zu Rotenburg
auff der Tauber.
Anno. xx. Jar.



Die Noeredt.

Her got in deinem hochsten thron
Vmb hilff ihw ich dich ruffen an
Anf ewikeyt sende mir herab
Mir armen dichter kleine lab
Das ich das lob vnd wirdt auß preyde
Der müeter dein vnd reynen meyde
Durch pillichkeyt vnd war geschichte
Wie ich der sach halb vnderichte
Was wunder groß sy hat gethan
An Jungen/alten/fraw/vnd man
Durch erbar leüde verhöret ist
Verordnet von eim rath das wißt
Zu Kottenburg yez in der stat
Manch chriſten mensch gesehen hat
In kleiner zeit vnd noch altag
Ist nit erlogen was ich sag
Zum ersten ich verhehen wil
Das wissen grünelich menschen vil



Das Erstzaichen.

Zu Rotenburg wol in der stat
Jörg Hessner da sein wouung hat
Der hat ein weyb Anna genant
Von menigklich wol bekant

Sy hat die bösen kranckheyt zwar
Grausam gehabt zway gannze Jar

An ainer handt so heffigklich
Darfn hat sy gehabt sag ich

Wol hundert locher groß vnd klain
Warn all durch bis auff das payn

Zann auch an jr verzagt furwar
Vier arzet sagt sy in ain Jar

Jr kayner was so hochgelert
Oder in künsten sonst vermert

Das jr wendet solche schwer
Der kranckheyt groß noch höiendt mer

Het sy keyn rwe ich euch verkündt
Der arm vnd handt het sich entzündt

Das sy vnd jr eelicher man
Anderst keyn trostung mochten han

Dann jr den arm ablösen pald
Wolt sy anderst das leben behalt

Das piacht in bayden schwere peyn
In solcher trübsal viel jr ein

Gelobt/verhief da auff der stet
Dierweyl sy da jr leben het

Zu Rotenburg Maria zart
All Sambstag thün ein kyrchfart

Mit ainem oppfer das ist war
Nach frem vermögen geben dar

Der gleichen sy noch mer verhief
Das sy jr kranckheyt bald verlief

Erstlich ein wichssen handtzeich pring
Das sy jr hülff in dysem ding

In klainer zeyt wart sie gesunde
Das ist vil menschen worden künde
Vnd wardt entpunden all ir schwer
Maria reyn der gibet sy eer

Das Ander zaichen.

¶ Der gleichen hye in dyser stat
Ein weyßspild da ir wonung hat
Barbara wolgemütin genant
Mit dienst dem Jachsthaymer verwandt
Die was an iren henden zwar
Erlamet gannz sag ich fur war
Kayner arbayt mocht sy nit pflegen
Irs herren dienst müst sy sich verwegen
Wo das ein endt nit het genomen
Vor wetag vnd layd lieff sie vmben
Nyemandt mocht ir keyn hilff nit thon
Was als vmb sonst gelaubet schon
Vier wochen was sy also lam
In dem in iren syn ir kam
Das sy sich solt verheysen da
Zu der reynen mayde Maria
Wie wol sie het keyn wonung noch
Da/das man vor nendt die Synagog
Sonder dar vor geeret wardt
Von vilen/warlich auff der sate
Balde sye ain opffer ir versprach
Hort zu groß wunder do geschach
In ainer nacht wardt sie gesunde
Hat sy bekendt auß frem munde

Das Dridt zaichen.

¶ Furpaß so solt ir mercken schlecht
Von langen Staynach ein Steynmez knecht
Hanns meznier/wardt gehawen hye
In ain bayn/hart oben dem keye

Do jm die wunden gehaylet wardt
Ser müßt er hyncken auff der fard
Dasselbig werdt wol Jar vnd tag
Het auch keyn rwe so thüt er sag
Er lag/gieng/stündt/seyf/mich versteen
Am selben payn het er grof wee
Also das er sich da vermas
Im wider auff zu ezen das
In solchen viel jm in sein syn
Da die Juden all warn von hyn
Wie er ain bild solt machen lan
Zu lob Maria vnd frem Son
So wurdt er an seym payn gesunde
Ein solchs verhieß er jr zu stunde
Lief schnitzen Maria figur
Hat an jem arm jr kindt ganz pur
Zu handt jm all sein wee verschwandt
Vnd wardt gerad/das selb pild standt
Zawf eynig vor der Synagog
Von menigklich geert hoch
Perz im altar geert altag
Ist als geschehen wie ich sag

Das Vierdt zaichen.

Ein wirt Jhanns Mast ist er genant
Zu Rietpach syzt er wol bekant
Der hat ein kindt alt dreyer Jar
Das ich euch sag ist offenbar
Seyt es das leben an sich nam
Auff seinen Baynen was es lam
Das es auff kaynen fueß nit trat
Das menigklich güt wissen hat
Mast ligen/syzen/allezeyt
Solchs seinen eltern pracht grof layde
Offmals das sye versucht han
Ob es auff seine fueß wolt stan

Oder es was vmb sonst warlich
Das kindt der krafft nit het sag ich
Wiewol es oft versucht sein mache
Das kindt es oft zu fallen pracht
In dem kam den alten in syn
Das sy das kindt verlobten hyn
Gen Rotenburg sa auff den plan
Da yezundt loben weys vnd man
Maria rayn in sr Capell
Das thet der vater bald vnd schnell
Ein opffer er auch mit versprach
Das sein kindt kem auß vngemach
Gen Rotenburg der vater pracht
Das kindt als er vor het bedacht
Sein opffer wolt er an hyn tragen
Das kindt begundt zum vater s. gen
Ich pit dich lieber vater mein
Gar fleissig laß mich selb allain
Auff meinen fuessen yezo gan
Die krafft ich schon empfangen han
Das ich mag gan allain sur war
Das opffer selber tragen zwar
Vnd nam das opffer mit begir
Sieng selb allain gelaubet mir
Also wardt dyser knab gesunde
Lob wir Maria alle stunde
Solchs han gesehen erber leyt
Darbey geweest der selben zeyt

Das Funfft zaichen.

¶ Ein schreiner maister Hanns genent
Der treibt sein handtwerch er bekent
In ainem dorff das heyst hengstfelde
Was im geschach ich euch hie melde
Es begab sich auff einen tag
Seiner arbeyt er fleissig pflag

Wienoch thüt pflügen mancher man
Der sich zu neren mit eren began
An ainer wiegen er da macht
Mit ainem schnitzer ungeschlachte
Stach er sich also hefftiglich
In ainen arm/noch mer sag ich
Die grossen ader gar enzwey
Er sagt das von im gangen sey
Ein groß tayl blütes auff sein ayd
Behelt es auch bey der warheyt
Das er es nit kunde pinden dan
So streng das blüt thet von im gan
Thet im betrüben seinen müe
Gedacht sein sach wirt lang nit güe
In dem sein harßfraw sprach zu im
Mein hauß wirt du mich recht vernym
Bald rüß die rayn Maria an
Die dir in solchem helfen kan
Wer sein vertragen in sy hat
Denselben sy nymmer verlat
Dein sach mag leichlich werden güe
Erquickte im harßwirt seinen müe
Die rayn Maria rüßte er an
Gen Kottenburg wolt er ein gan
Dahyn wolt er ein opffer pringen
Das sy im hülf in dysen dingen
Merck in solchem verheßsen sein
Besandt er sich ringert sein peyn
Vnd pandt sein arm in solchem zu
Das blüt stündt/het von stund an rwe
Es stündt bis an den dritten tag
Dis sein nit meer was ich euch sag
Das pandt er von dem arm entplößt
Sein hertz empfieng vor fremden trost
Sein wunden was gannz zugehayle
Durch gnad die im wardt mitgetayle

So schnell in einer kleynen zeyt
Von Maria der raynen mayd
Doch thet er als ein piderman
Gedacht was glübnüß er het than
Vergug nit lang machte sich gar trac
Gen Rotenburg wol in die stat
Zu Maria der Juncfraw rayn
Het im gehaylt die wunden sein
Ein wechssen arm den pracht er dar
Der schnitzer steckt darin furwar
Das er ain solches hat gethan
Das wissen grundtlich weys vnd man

Das Sechst zaichen.

¶ Ein pawr Hanns Hachtel ist genant
Zu Insingen mit hawß verwandt
Der hat vil lenger dann zwai Jar
Gehabt ain lamen arm furwar
Gen Rotenburger er sich versprach
Zu der rayn Maria ich sach
Mit ainem oppfer pracht er schon
Das wayß manch frumter piderman
Zuhandt wardt er frisch vnd gesunde
Danckt er der raynen maydt all stunde

Das Sybendt zaichen.

¶ Zu Sulz im kloster hörende zu
Was ich euch yezo sagen thū
Ist ein Abtassin wolbekant
Birgitta von Aufßes genant
Die ist gelegen / tödelich schwach
Was menschlich augen sy an sach
Dachten es wer fr letzter tag
Ist nit erlogen was ich sag
Es halff keyn gelt / es halff keyn kunst
Noch kreüter / purgatz / vnd nichts sonst

Dacht sye an die wunder groß
Die beschehen vil an vnderlof
Zu Rotenburg yezundt alzeyt
Rüfft fleysfig an die raynen mayde
Das sy sr hulff in solcher not
Das sy wurdet sicher vor dem todt
Ein opffer sy auch sr versprach
Von wachs vnd gelt glaubt das ich sag
Nach dem sy solchs verheysen het
Erhöht ist worden sr gebeth
Von got vnd bey Maria reyn
Bald endt sich da all sr peyn
In gesundt wardt verkert sr schmerz
Des frewdt sy sich größlich von hertz
Stündt auff gieng bald auß frem peth
Darin sy lang vertriben het
Ir zeit mit grossen we vnd ach
Im closter giengs in all gemach
An aller menschen hab allain
Empfandt an sr keyn schwer noch peyn
In kleyner zeyt frisch ynd gesunde
Solichs ist mir warlich worden kunde
Durch frum erbar vnd geystlich leyde
Die bey sr gwest sindt zu der zeyt

Das Acht zaichen.

Ein man Michel Keder genant
Zu Rotenburg gar wol bekant
Ein kränckheyt hat gehabt an sin
Ain lange zeyt als ich vernym
An ainen bayn/ auch an dem hertz
Daran geliten heffig schmerz
Mocht derselben nit komen ab
Es wer vmb sonst oder vmb gas
Maria rayn die rüfft er an
Er wolt sr mit sin pungen schan

Ein opffer vnuerzogen schnell
In jr new gebaute Capell
So bald ein solches er volprache
Wardt er gesundt/als er selb sagt

Das Aewndtzaichen.

¶ Zu Danpübel im doiff da wandt
Ein man ist Leonhart peck genant
Die Franzosen hat er vernym
Ein lange zeyt gehabt an im
Der im keyn arzt mocht helffen ab
Es wer vmb schenck/gelt oder gab
An sein hyndern vnd an ainm payn
Mit vil löchern groß vnd klain
Het grossen wetag also here
Der im keyn tag wardt nye gewert
Gen Rotenburg sie sich verhieß
Zu der raynen Maria suess
Der hochgelobten müter zart
Wolt er aufrichten ein kyrchfart
Mit ainem opffer auch darbey
Das sy in macht der krankheyt frey
Bald er das glubdnüß hat gethan
Halff im die edel Junckraw schan
Am dritten tag wardt er gesundt
Das hat er than vil menschen kundt
Da er sein walfart hat volende
Bey seiner trew ein solchs bekende

Das Lebendtzaichen.

¶ Jörg Schwarz ein pawersman ist frum
Zu Wildenholz wayß meniglich drum
Der hat ein piderweiß genent
Rayn mensch ist da der sy nit kent
An Franzosen ist sy lang gewest krankt
Bald kam jr ein in jren gedanc

Gen Kottenburg solt sy sich versprech
So wurde sy gesundt von all irn puech
Das thet sy mit ain opffer zwar
Wardt frisch vnd gesundt sag ich furwar

Das.xi.zaichen.

¶ Oswalde Schopff sag ich der Jungen
Da haym zu Kleyne Perenweyler
Den stieß ein solche kranckheyt an
Von dem im helffen mocht nyeman
Hat die geliten etlich zeyt
Das wayß man auch wol prayt vnd weyt
Auff zweyen krukken müßt er gan
Maria rayn die rüfft er an
Das sy im hülfß von solcher peyn
So wolt er mit im pringen sein
Opffer/sr zu der selben stunde
Gehyß der rayn auß hertzen grunde
Versug nit mer macht sich dar von
Gen Kottenburg da kam er schon
In die Capellen new gepawt
Als menigklich yez anschawt
Sein opffer er auch mit im pracht
Sprach sein gebet zwar mit andacht
Man höret zu jr Chuffenleut
Groß wunderwerck ich euch bedeüt
Der da auff zweyen krukken kam
Von menigklich gesehen lam
Stündt auff gieng vmb zu dyser stunde
An all seym leib wardt er gesundt
Beyd krukken bey Maria glan
Das han gesehen weyß vnd man

Das.xij.zaichen.

¶ Endres Chunradt einer genant
Zu Grünßfeldt in der stat bekant

Der ist gewesen ein lamer man
Auff payden baynen mercket schan
Des prauchs der fueß wardt er beraubt
Auff krukken müst er gan das glaube
Das hat gewert nach seiner sag
Der anfangt seydt sant Gilgen tag
Müst er zwo krukken nemen an
An die an menschlich hilff nit gan
In solchem grossen wee vnd laydt
Da rüffe er an die raynen mayd
Verhieß er wolt nit abelon
Auff seinen krukken wolt er gan
Gen Rotenburg ja in die stat
Da sy sonderlich wonung hat
In jr new gebaute Capell
Darein da stopfelt er so schnell
Er mocht sein opffer pracht er dar
Das er jr het verheysen zwar
So bald er da volbracht sein beth
Die krukken bayd er von jm thet
Sprach sey gelobt Maria rayn
Mir sein gesundt mein fueß vnd payn
Die krukken hat er ligen lan
Gesundt gieng er frölich von dann
Das ist geschehen wie ich sag
Judica am selben Sontag

Das. xiiij. zaichen.

¶ Ein priester Conradt Schwarz genent
zu Rotenburg man in wol kent
Dyser priester hat ich euch sag
Gehabt so groß vnseglich klag
Mit grosser gschwulst an ainem peyn
Rot wie entzunde so daucht sein
An dem so semerlich gekrenckt
Des gleichen er vor nye gedenckt

An solchem wetag er sich legt
Sein hertz in andacht da bewegt
Zu der raynen Maria zart
Das sy im hulff auß dyser fart
Mit ainer mesz er sich versprach
Vnd ainem opffer ich euch sag
Ein payn auß wachs er hat gemacht
Das im sein gsunde herwider pracht
Hat das volpracht wie ich euch sag
Am Donnstag vor sant Jorgen tag

Das. xiiij. zaichen.

Magister Johan schenck priester
Zu vnnsrer frawen Vicarier
Auch zu Rotenburg in der stat
In der alten Capellen drat
Der ist so schwerlich kranck gelegen
Das er sich sterbens het verweggen
In seinem leib gehabt solch stich
Darumb er lief bewaren sich
Mit dem heyligen sacrament
Gedacht es wer sein letztes ende
Zu handt er sich verloben thet
Der rayn Maria mit gebet
Mit ainer seligen mesz do bey
Das sy in macht der kranckheyt frey
Bald er im ein solchs gedacht
Wart er gesunde/das im frewd prachte

Das. xv. zaichen.

Einer Chung Stainffelder genant
Zu Heggem ist er wol bekant
Hat an seim leib behabt furwar
Den Franzoßs Sechs vnd zwainzig Jar
Hat im nyemandt mögen helffen ab
Es wer vmb sonst/gelt oder gab

Vnd an sein leib in sonderheyt
Gehabt ain schaden groß vnd weyt
Also das er besorgt dar an
Die dem auß seinem leib zu gan
Mit solchem schmerzen groß vmb geben
Gedacht es gult jm da sein leben
Da viel im ein in sein gemüt
Das er anrüfft Maria güt
Gen Rotenburg solt er das than
So wurd im geholffen schan
Wolt auch ein lebendig oppfer pvingen
Verlobe sich auch mit dem geding
Ein solches alle Jar zu than
Die weyll im got sein leben gan
So bald er das versprochen het
Da wardt erhört sein gebet
Ist nachmals kumen frisch vnd gesunde
Auff ainen tag thū ich euch kunde

Das. xvi. zaichen.

¶ Ein person sich nit nennen wil
Durch andacht/hye/ist auch im spil
Der hat ein kindlen das ist war
Ist vngewerlich bey ein Jar
Der hat sich an sein tisch gesetzt
Mit sein gesündt frewondelich geschwert
Sein hawßfraw auch entgegen saß
Das kindt het sy auff irer schaf
Es het die prust in seinem munde
Balde thet sich enden sein gesunde
Erschwarz/erplichen gantz vnd gar
Als halb gestorben das ist war
Zu sterben het er es geschert
So hart het es das gicht verlegt
Insolcher grosser trawrigkeyt
Gedacht er an die raynen maydt

Maria die fursprecherin
Vnd aller welt ein trösterin
Das sy endet seins Kindes peyn
So wolt er jr ein opffer feyn
Nach sein vermügen pringen schnell
Den selben tag in jr Capell
Die da in klayner zeyt ist baut
Als menigklichen yetz da schawet
So bald ein solchs er verhyet
Die sucht das kindt zu handt verlieft
Drumb er die rayn Maria preyst
Die seinem kindt solch gnad beweyft

Das. xvij. zaichen.

¶ Weyter höient zu dyser frist
Ein zyichen mir auch wissent ist
Geschehen an ein weyb so schan
Mit namen ichs nit nennen kan
Anders jr man ein kyrchner ist
zu Donpübel im doiff das wist
Hat in jrm mund gehabt grof wee
Rayn wort kunde sy nit reden meer
Sonder ein kindt müst mit jr gan
So sy wolt etwas kauffen than
Das hat gewert nach frer sag
Der anfang sey sant Michels tag
In solchem jrn betrüben syn
Thet sy sich auch verloben hyn
Gen Rotenburg sa in die stat
Da Maria jr wonung hat
Mit ainem opffer also schan
Bald sy thet in jr Capell gan
Anyet fur das pild Maria zart
Jr hertz gar bald erfrewet wardt
Augenplicklich sy dapffer reth
Sam jr nye nichts geprochen het

Danck sy got vnd Maria werde
Durch sr geheysß sr beeth erhört
Ir opffer raichet sy pald dar
Der rayn Maria das ist war
Ist warlich gschehen wie ich sag
Judica am selben Sontag

Das. xviii. zaichen.

¶ Zu Wilden Altdorff syzt ein man
Jörg Klopffer mit seim namen schon
Hat ein pöß payn gehabt sag ich
Mit grossen schmerzen hefftiglich
Der anfang ist solt sr verste
Des heyligen sant Bartholome
Bis auff den grünen Dunderstag
Verhieß er sich/so thüt er sag
Gen Kotenburg sa in die stat
Zu der raynen Maria trat
Mit ainem opffer also schnell
In sr new gebaute Capell
Bald er ein solches sr gehiesß
Die selbig kranckheyt in verließ
Ist darnach komen auff ein tag
Hat solchs anzaget/was ich euch sag

Das. xix. zaichen.

¶ Sigmundt Hirsch zu Ochsenfurt wunde
Am selben ende ganz wolbekant
Der hat ein frummes weib merck mich
Ir nam Cecilia sag ich
Die ist so schwerlich kranck gelegen
Irs lebens man sich het verwegen
Vier wochen irer synn beraubt
Ir hawßwirdt was betrübt das glaube
So er sein frawen one sach
Hart angelegt/gebunden lag

Gen Rotenburg er sy versprach
Das sy kem auß dem vngemach
Mit ainem oppffer also schan
Wolt er der rayn Maria lan
Bald er ein solches hat veribeh
Hat man sein weys gesunde geseh

Das. xx. zaichen.

¶ Ein priester zu Eb mercket mich
Leydt auff dem gay also sag ich
Wolfgang Pruckner sein name ist
Der hat zway ganze Jar das wist
Gros wee gehabt an ainen payn
Auch an ein knye es ist nit nain
Darin gros scheden so sage er
In kurz ainer span vngewer
Sleyssig er sich verloben thet
Der rayn Maria mit gebet
Gen Rotenburg in die Capell
Mit ainem oppffer also schnell
Zu sant wardt er frisch vnd gesunde
Hat er bekent thw ich euch Kunde

Das. xxi. zaichen.

¶ Jörg Bern von Mergatheym ich sag
Der hat die franzosischen plag
Gehabt wol sunffondz zwaynzig Jar
An ainem payn sagt er fur war
Mit schmerzen vnd wetagen gros
Gemelter zeyt nye gewesen los
Gen Rotenburgt er sich versprach
Das er kem auß dem vngemach
Mit ainem oppffer auch darbey
Zuhandt halff im die rayn Marey

Das. xxij. zaichen.

¶ **A**iner Michel Rothler genant
Der syzt zu Dippach hat bekant
Wie er das Fieber hab furwar
Mit kranckheyt gros gehabt zway Jar
Das er sich het verwegen schan
Im leib vnd leben darauß gan
Gen Rotenburg er sich verhieß
Zu der raynen Maria sues
Das sy im hulß von solcher schwer
Ein opffer wolt jr pringen er
Baldt ein solches hat vollende
Warlich sein kranckheyt nam ein ende

Das. xxij. zaichen.

¶ **E**in man Leonhart Beystain genant
Zu Helmsbhofen mit hauß verwandt
Der hat an im gehabt versteet
Ein lange zeyt das kalt wee
Gen Rotenburg er sich verhieß
Bald solcher seüchten in verließ

Das. xxiiij. zaichen.

¶ **Z**u Krelßheym wol in der stat
Ein frumme frau jr wohnung hat
Die hayst mit namen Katherin
Spitelbachin/merckt furhyn
Die hat gehabt zway gannze Jar
Die lemmung hart/sagt sie furwar
Gen Rotenburg sy sich versprach
Zu Maria rayn was jr gach
Ein opffer pracht sie jr auch mit
Maria rayn halff jr durch pit
Das sy wardt gennglich frisch vnd gesunde
Solchs sag ich euch zu dyser stunde

Das. xxv. zaichen.

¶ Einer hayst Zilian Mülner
Zu Obersteen da syzt er
Der hat die Franzosen schwerlich
Mit grossen scheden merckte mich
An seinem leib lang zeyt/verstet
Gehabt/ besonder er doch hat
In seiner nasen ein gehan
Eilich payn theyn sm auß gan
In solchem wee kam sm in syn
Das er sich selb versprech da hyn
Gen Rotenburg sa auff den plan
Da yezunde loben weyb vnd man
Maria rayn in jr Capell
Das thet gedachter mülner schnell
Ein opffer er auch jr versprach
Das sy im abhulff wee vnd ach
Zuhandt wart er frisch vnd gesunde
Das hat er than vil menschen künde

Das. xxvi. zaichen.

¶ Ein fleck ist Gristendorff genandt
Im Zenner grunde manchem bekant
Dar sm ein bawer seßhafte ist
Müllinhart nent er sich das wist
Der hat sich also hefftiglich
Woll durch sein rechte handt sag ich
In ainen scharpffen doin gestoch
Die selben wunden gehabt drey woch
Ist sm also vbel gerat
Das er sich da verwegen hat
Die handt sm abzelsen zwar
Het sich entzunde sagt er fur war
Es was da mer kein abelon
Zwen schnidte het man sm dar ein than

Der in daran gearzet hat
Der syzt zu Windshaym in der stat
Ein maister seiner kunst bewert
Von menigklichen da geert
In solchem sein betrübten syn
Da thet er sich verheysen/hyn
Gen Rotenburg in schneller fart
Zu der raynen Maria zart
Ein wickssen handt wolt er sr pringen
Das sy im helff in solichen dingen
So bald er das versprochen het
Do wardt erhört sein gebet
Sein gesundtheyt im her wider kam
Das menigklich groß wunder nam
Ist darnach kómen am Dornstag
Nach des heyligen Creuzes tag

Das. xxvij. zaichen.

¶ Des gleichen hye in der stat
Mathes Lutz da sein wouung hat
Er hab an eim dulzaun gemacht
Also hat er mir surgepracht
Er sey so hart gefall vnd straucht
Die rechten achffel hab gestaucht
Das er in dreyen vierteyl Jar
Des armsf keyn gwalt gehabt furwar
Zu heben den selber allain
Ein piß zu seim munde schieben ein
Mer hat er auch gesagt dabey
Warlichen er gelegen sey
Ob sunffzig necht in seinem peth
Rayn schlaff gethan/keyn rwe nit het
Maria rayn die rufft er an
In sr Capellen wolt er gan
Acht füeder Sands wol er sr geben
An frem barw das mercket eben

Bald er ein solchs jr verhyes
Zu handt in all sein schmerzen verließ
Wardt augenblicklich gannz gesunde
Das ist vil menschen worden kundt
Hat das anzaigt wie ich euch sag
An des heyligen sant Gangolffs tag
Das. xxviii. zaichen.

Noch weyter sollent jr verstan
Leonhart Scheffer ein Biderman
Zu Ygerßheim syzt er haußhafft
Von got wart er schwerlich gestrafft
Genglichen seiner syn beraubt
Gannz vnuernufftig mir gelaubt
Das er hart angelegt lag
Sunßzehen wochen etlich tag
In solchem wee vnd herzenlayde
Sein fraw rufft an die rayne mayd
Zu Rotenburg ja in der stat
Da sy sonderlich wonung hat
Yezundt geert an dysem ende
Da sy vormals ist offft geschent
Von der verfluchten Judischheyt
Sprach hertzlich o du rayne mayd
Hilff meinen man yez ich dich pit
Darumb wil ich dir pringen mit
Der gleichnuß/ein pild von wachs schan
Selb leiblich mein eelichen man
Bald sy solich gehayß fur sich nam
Ir man bald zu im selber kam
Vernunfftig worden auff der stet
Von stundt an sprach er sein gebet
Als hiet er nye keyn Kranckheyt zwor
An im/ gehabt/ sagt er fur war
Hat solchs anzaigt wie ich euch sag
Am freytag was sant Gangolffs tag

Das. xxviii. zaichen.

Jhanns Herttem ein glaser / bekant
Von Byzing auß dem Franckenlande
Wie er den frorer hertigklich
Hab an seim leib gehabt warlich
Zu handt er sich verloben het
Der rayn Maria auff der stet
Mit ainem opffer ich euch sag
Wardt gannz gesundt am selken tag

Das. xxx. zaichen.

Zu dincelspübel in der stat
Ein fleishacker sein wouung hat
Mit seinem namen Lrentreich
Ist sein zünam das sag ich euch
Ist mit baiden augen furwar
Gannz blindt gewesen etlich Jar
Alles anschawen gannz beraubt
Mit seim gesicht des genzlich glaube
Gen Rotenburg er sich verhief
Zu der rayn göttes müter sues
Mit ainem opffer one spot
Das sy im hulff auß solcher not
Bald solch gehayßs von im auß gieng
Seine augen bayd ein scheyn empfieng
Doch dacht er als ein piderman
Was gelubnuß er het gethan
Verzug nit lang macht sich gar trat
Gen Rotenburg wol in die stat
Mit ain opffer in die Capell
Groß lob vnd eer saget er schnell
Maria gottes müter schan
Die im ein solche hilff het than
Bert darnach wider auß der stat
Höit was sich da verlossen hat

Le er gen Dincfelspuhel kam
Ye grösser scheyn seine augen nam
Balde er kam in die stat hyn ein
Warn im erleucht die augen sein
Eins solchen wir güt wissen han
Danck/er got vnd Maria schan

Das. rrrj. zaichen.

¶ Fort hdiert zü/hye in der stat
Ein Tüchmacher sein wonung hat
Hanns Keren also nent sich er
Hat einen Son hayst Casper
Der hat die Franzosen schwerlich
Vergangner zeyt gehabt sag ich
Hann im verderbt seine augen zwar
Hat nichts gesehen Sunff gannzger Jar
Bis auff den tag so sag ich euch
Das müst von hynn der Jad enweich
Verhyef er do Maria schnell
So man jr pawet ain Capell
Vnd sy darinnen wurde geert
Wolt er jr geben vngesert
Ein opffer nach vermögen sein
Das sy im geb ain klainen scheyn
Das er allain möcht selber gan
Wo er hyn wolt. vernemet schan
Noch mer woler jr geben zwar
Alle Sambstag ein gannzges Jar
Ein sylbün opffer/er vergicht
Das sy im offnet sein gesicht
In klainer zeyt kam es darzu
Da man die rayn thät suechen müh
Sein opffer pracht er jr behende
Balde all sein traworen nam ein ende
Empfieng furwar ein liechten scheyn
Bekendt er auff die trewe sein

Er arbayt/vnd gadt selbs sag ich
Allain/ganzz vngefurt warlich
Des lobet er die rayn Junckfraw schon
Die in ein solche hilff hat thon

Das. xxxij. zaichen.

¶ Elisabeth heydnin genant
Zu Rotenburg gar wol erkant
Die Franzosen hat sy an sr
Grausam gehabt so sagt sy mir
Verschwollen vnder dem angesicht
Also das sr ain payn/sy sprucht
Ledig in frer nasen wardt
Zuersticken b'sorget sy sich hart
Die Erzt an sr verzagten all
In solcher schwer vnd myssfall
Wolten sr keyn erzney mit chan
An solchem wee/bekent sy schan
Das sy sich schnell da auff der stet
Mit ain opffer verheysen thet
Zu der rayn müter gottes schnell
In sr new gebaute Capell
So pald ein solches sy verhyes
Ganzz all sr franckheyt sy verlies
Auf frer nash viel sr das payn
Empfandt an sr keyn schwer noch peyn
Vnd wardt augenblicklich gesunde
Danckt sy got vnd der rayn all stunde

Das. xxxijij. zaichen

¶ Laurentz Horen zu Kreyßbheim ist
Franzosisch scheden hat er wist
An in gehabt drey gannze Jar
Vnder seim angesicht fur war
Das er auß viel so semerlich
Eissen vnd trincken merckt mich

Trung im neben der nasen rauf
Im halß vil löcher gfallen auß
Das er keyn speyß nit neyn mocht prieng
Keyn red mocht er her auß nit zweng
Do kam im ein in seinen syn
Wie er sich solt verloben hyn
Zu der rainen Maria zart
Gen Rotenburg in schneller fart
So bald ein solchs er hat than
Sein sach wend sich gantz bald gar schon
Wardt reden/essen/nam getranck
Darumb sagt er gar grossen danc
Der müter gottes rayn an spot
Die im halff auß der grossen not
An all seim leib frisch vnd gesunde
Hat er bekent thû ich euch künde

Das. xxxiiij. zaichen.

Ein dorffberümbt vermercket mich
Blotsfelden ist sein nam sag ich
Darß ein piderman bekande
Jörg Gerber/sein weyß Barb genant
Der hat ein kneblen das ist war
Vngeuerlichen bey ein Jar
Da es auff erdt geboren wardt
Hat es ain pruch warlichen hart
Also ein gros vnmenschlig ding
Dem kinde das gewaydt wist auß gieng
So streng vnd hert gemeltes Jar
Was ich euch sag ist gründlich war
Keyn arzet was so weyß noch glert
In seinen künsten nit bewert
Der dem kinde helffen mocht/hört mer
Von der grossen kranckheyt so schwer
Es wer vmb gelt oder vmb güet
Betrübt dem frumen weyß jr müet

Eins nachtes lag sy in irrm Beth
Hertzlichen jr ein fallen thet
Vnd gedacht an die wunder groß
Die beschehen an vnder loß
Zu Rotenburg yez in der stat
Jr kindt sy dar verheysen hat
Mit ainem opffer also schnell
Der müter goz in jr Capell
Nun höret zu groß wunder schan
Da sy des morgens auff thet stan
Pundt auff jr kindt wie sich gepurt
Das kindt kayn seücht/noch buch mer rürt
Wardt in der nacht gannz frisch vnd gesunde
An all sein leib thü ich euch künde
Darnach wolt sy jr gelubd halde
Macht sich gen Rotenburg gar pald
Mit dem kindt vnd opffer ich sag
Am Sambstag nach dem Auffartz tag

Das. xxxv. zaichen.

¶ Bey Byrchperg an der Jagst da leydt
Ein dorff Mistla genent/der zeyt
Ain mühl darbey oder darin
Nun höret was ich sagen pin
Das weyß das in der mühl wondt
Die hat drey kindt mich all verstande
Das erst Orilia mit nam
Das annder Eua lobesam
Das drit Elspet sein name ist
Die kinder haben warlich wist
Die Franzosen so grausamlich
An frem leib gehabt sag ich
Benor an iren haubten auch
Das erst kindt kam in vngemach
Die red im warlich gar verlag
Der anfang zu sant Martins tag

In solchem wee vnd grossen not
Die drey kindt sy verhayssen hat
Gen Rotenburg in schneller fart
Zu der rayn gottes müter zart
Mit ainem opffer merckt mich
Die kindt all drey wurden warlich
An frem leib gantz frisch vnd gesunde
Noch ains thü ich euch allen künde
Das sy gen Rotenburg ein kam
Oulg jr kindt sy mit jr nam
Das sy da hyn verlobet het
Rayn wort die zeyt es nye mit rede
Wie vomen stat/in der Capell
Sienges lauth an zu reden schnell
Das ist geschehen wie ich sag
Am Freytag vor dem pfingstag

Das. xxxvj. zaichen

Einer maister Michel genande
Zu Obern Prayth mit hauf verwandt
Auff der padtstüben/so sag ich
Der ist gelegen krank schwerlich
Woll dreyszig wochen erlig tag
Mit grossen schmerzen thüt er sag
In seinem leib auch in dem haubt
Keyn rwe gehabt mir warlich glaube
Bey tag oder bey nacht verstat
Keyn arzney in geholffen hat
In solchem sich verwoegen het
Sein leben ende sich auff der stet
Zuhandt viel im in seinen syn
Das er sich solt verloben hyn
Gen Rotenburg in schneller fart
Zu der die gottes müter wardt
Das ist die rayn Maria werde
Durch sy wardt sein gebeth erhört

Wann er ein solchs jr verhyeff
So wurde all sein schmerz im suess
Auff solchs er sich gelobet her
Mit einem opffer vngewer
Nach seim vermügen geben schon
Bald er ein solches hat gethon
Ist worden gannz frisch vnd gesunde
Das hat er vnns thün selber kunde

Das. cccvij. zaichen.

¶ Zum letzten hört ein wunder schan
Was die müter gottes hat than
An ainem kindt geboren blinde
Sein namen ist Andreas ich finde
Gelebt auff erden das ist war
Seines alters anderhalb Jar
Sein vater Dietrich Gerer gnant
zu hochstat ist er wol bekant
Das leyth im Othenwald ich sprich
Der hört wie so gnediglich
Maria mit manch wunder groß
zu Rotenburg an vnderloß
Thüt würccken an frawen vnd man
In solchem thet er rüffen an
Die müter gottes Maria
Durch all jr güte bade er sy da
Das sy durch pit bey irem Son
Ihesu. seim kindt wolt er erwerben thün
Das durch götliche straff vnd zorn
An dyse welt was blinde geborn
Wolt erleuchten die augen sein
So wolt er mit im pringen feyn
Das kynde/darzu ein opffer her
Nach seim vermögen vngewer
Gen Rotenburg wol in die stat
Da Maria yez wonung hat

Ganzz sonderlich an dysem ende
Da sy vormals offte ist geschende
Von den verflüchten Juden merckt
In solcher hoffnung wardt gesterckt
Sein hertz/ vnd seiner frawen zwar
Machten sich auff heten keyn spar
Solanng byß sy alle Bayde
Mit irem kinde kamen verffe
Gen Rotenburg in die Capell
Raichten jr opffer also schnell
Dazu jr blindtes kinde furwar
Setzten sy auff den altar dar
Für vnser frawen pildnüß schon
Vater vnd müter hüben an
Zu pitten/ vmb irs Kindes gesicht
Hofften in wurdte versaget nicht
Nun höret zu wie es ergienß
Das kinde zu stunde ein scheyn empfieng
Augenblicklichen griff es dar
Nach ainem Pater noster zwar
Hyeng der gebildnüß Maria
An irem halß sag ich euch da
Das vater vnd müter/ nembt ache
Ein vber grosse frewdt prachte
Namen jr kinde vom altar schon
Wolten die sach beuesten thon
Kamen zu morgens wider dar
Wie oben angezaigt ist klar
In solcher meynung gar behende
Ir kinde das theten sy setzende
Auff den altar in aller maßß
An dem ersten gescheen was
Dem kinde worden warlich erleuchte
Sein augen Bayde/ von der seüchte
Wie es dar vor in vngeßalt
Wardt angeschawt von sunck vnd ale

Also wardt es in angesicht
Aller menschen/sam im nye nicht
An sein gesicht geprochen het
Gros lob vnd eer da an der stet
Sagt vater vnd müter an spot
Dem almechtigen vnn/erm got
Der durch furpit der müter sein
Hat geben dem kindt sein augen scheyn
Dancken der rayn Maria schan
Mit grosser frewdt schidens von dann
Das ist geschehen wie ich sag
Am Mitwoch nach dem pfingstag

Beschlußredt.

Solch zaichen fiengen erstlich an
Zu Kotenburg vernemet schan
Da man die Synagog versperrt
Den klainen kinden wardt gewert
Das selb geschach wie ich euch sag
Post Epiphanie am Sonntag
Beschehen noch also teglich
Das in der warheyt ich vergich
Kundt worden ist mir yez nit mer
Das sag ich euch an all geuer
Vnd redt das auch an allen spot
Bezeug dem almechtigen got
Vnd sag das auff mein Ayd warhafft
Oder mein Seel werde ewig gstrafft
Das ich der Kains hab mer gemacht
Dann mir in schrifft nur fur wardt prachte
Wann ich das woll ermessen kan
Wie wol ich bin ein schlechter man
Maria rayn das nit geuele
So ainer die warheyt verhelt

Vnd sy mit warheyt hrepreyß
Als dann alle schiffe klar auß weyß
Die rayn Maria nit begert
Das sy mit liegen werdt geert
Solchs wil ich yetz beleiben lan
Bayn redt anß ditzmal thün dar von Amen.

Das ist ein Buch
das alle die
in dem Land
sein wollen
lesen sollen
und die
in dem Land
sein wollen
lesen sollen

Biblioteka Jagiellońska



stdr0035490

Lit. germ.

4. 593

